



Alver kommune  
Postboks 4  
5906 FREKHAUG

Saksbehandlar, innvalstelefon  
Hege Brekke Hellesøe, 5557 2352

## Uttale - Alver - 131/21 - Remme - etablering av kommunal vassleidning - dispensasjon

Vi viser til brev frå kommunen datert 22.11.2021. Saka gjeld søknad om etablering av kommunal ringleidning. Søknad er delt i to delar grunna to ulike entreprisar. Denne søknad omfattar del av ringleidning som leggjast på land og leiar ut i sjø, omtalt som B1. Administrasjonen har lagt til grunn at tiltak ikkje krev dispensasjon, men ber om vurdering på om tiltak jamvel krev vedtak etter vassressurslova.

### Statsforvaltaren si vurdering

Leidningen skal krysse ein bekk og kommunen spør om tiltaket vil krevje vedtak etter vassressurslova. Når det gjeld bekkkryssinga må kommunen kontakte NVE (vassressurslova) og eventuelt fylkeskommunen (forskrift om fysiske tiltak). Fylkeskommunen er ansvarleg mynde etter forskrifta oppstraums vandringshinder for anadrom fisk, og etter det vi kan sjå vil sjøaure ikkje kunne gå opp i område.

Det er i utgangspunktet ikkje lov å fjerne kantvegetasjon utan løyve frå Statsforvaltaren jf. § 11 i vassressurslova. Det er vanskeleg å vurdere omfang av fjerning av kantvegetasjon utifrå dei oversendte dokumenta. Vi rår til at kommunen tar kontakt med Statsforvaltaren når omfang av fjerning av kantvegetasjon er klarlagt. Då kan vi avklare nærare om det er naudsynt med løyve.

Kommunen vurderer elles at tiltaket ikkje krev dispensasjon frå LNF-formålet. Vi stiller spørsmål ved vurderinga av dette. Etter det vi kan sjå er dette ikkje eit tiltak som primært vil vere eit nødvendig tiltak for landbruket jf. plan og bygningslova § 11-7.

Med helsing

Egil Hauge  
seksjonsleiar

Hege Brekke Hellesøe  
seniorrådgjevar



*Dokumentet er elektronisk godkjent*

Kopi til:  
Vestland fylkeskommune   Postboks 7900   5020   BERGEN